



黃復翁曰遷所  
謂天官而固更  
曰天文夫兩曜  
之運行群星之  
錯布此非閑于  
漢之一代者而  
固編于國史果  
奚益乎  
劉知幾曰兩曜  
百星麗于玄象  
非如九州萬國  
廢置無恒必欲  
刊之國史施于  
何代不可也但  
史記包括所及  
區域綿長故書  
有天官讀者竟  
忘其誤班固因  
循復以天文作  
志志無漢事而

漢書評林卷之二十六

吳興後學凌稚隆輯校

天文志第六

凡天文在圖籍昭昭可知者經星常宿中外官凡百一十八名積數七百八十三星皆有州國官宮物類

之象其伏見蚤晚邪正存亡虛實闊陬孟康曰伏見早晚謂五星

也日月五星下道謂邪存謂列宿不虧也亡謂恒星不見虛實若天牢星實則囚多虛則開出之屬也闊

陬若三台星及五星所行合散犯守陵歷關食孟康曰合

同舍也散五星有變則其精散為祇星也犯七寸以內光芒相及也陵相冒過也食星月相陵不見者則

所蝕也韋昭曰自下往觸之曰犯居其宿彗孛飛流

曰守經之為歷突掩為陵星相擊為關也彗孛飛流

日月薄食張晏曰彗所以除舊布新也孛氣似彗飛流謂飛星流星也孟康曰飛絕迹而去也

錄入漢書何歟  
茅坤曰當與史  
記天官書參看  
始詳星占之法

隆按政失則變  
見此一志主意

隆按此後俱本  
史記天官書

流光迹相連也日月無光曰薄京房易傳曰日月赤黃為薄或曰不交而食曰薄韋昭曰氣往迫之為薄虧毀孟康曰皆日旁氣也適日暈適背穴抱珥重蜺孟康曰皆日旁氣也適日形如背字也穴多作鑄其形如玉鑄也抱氣向日也珥形點黑也如淳曰暈讀曰運重或作虹蜺讀曰齧蟬蝮謂之重表云雄為重雌為蜺凡氣在日上為冠為戴在旁直對為珥在旁如半環向日為抱向外為背有氣刺日為鑄鑄扶傷也迅雷風祆怪雲變氣此皆陰陽之精其本在地而上發于天者也政失於此則變見於彼猶景之象形鄉之應聲師古曰鄉讀曰響是以明君觀之而寤飭身正事思其咎謝則禍除而福至自然之符也中宮天極星其一明者泰一之常居也旁三星三公或曰子屬後句四星末大星正妃餘三星後宮之屬

盧辨治曰詳考  
紫宮垣十五星  
其西蕃七東蕃  
八也班氏遺三  
星矣至于陰德  
天槍之屬似不  
必載  
又曰北斗七星  
魁四星為璇璣  
杓三星為玉衡

也環之匡衛十二星藩臣皆曰紫宮前列直斗口三星隨北端銳若見若不見曰陰德或曰天一紫宮左三星曰天槍右四星曰天棓蘇林曰音格打之格師古曰棓音白講反後十七星絕漢抵營室曰閣道北斗七星所謂璇璣玉衡以齊七政杓攜龍角孟康曰杓斗柄也龍角東方宿也攜連也衡殷南斗魁枕參首晉灼曰衡斗之中央殷中也用昏建者杓杓自華以西南孟康曰傳曰斗第七星法太白主杓斗之尾也尾為陰又其用昏昏陰位在西方故主西南方夜半建者衡衡殷中州河濟之間孟康曰假令杓昏建寅衡夜半亦建寅平旦建者魁魁海岱以東北也孟康曰傳曰斗魁第一星法為日主也齊魁斗之首首陽也又其用在明陽與明德在東方故主東北也斗為帝車運于中

虞舜治曰文昌宮以下諸星所敘疎而漏

央臨制四海。分陰陽。建四時。均五行。移節度。定諸紀。

皆繫於斗。斗魁戴筐六星。曰文昌宮。晉灼曰似筐一故曰戴筐

曰上將。二曰次將。三曰貴相。四曰司命。五曰司祿。六

曰司災。在魁中。貴人之牢。孟康曰傳曰天理四星在斗魁中。貴人牢名曰天理

也。魁下六星。兩兩而比者。曰三能。蘇林曰三能色參能音台

君臣和。不參為乖戾。柄輔星。孟康曰在北明近輔臣斗第六星旁

親彊。斥小疏弱。蘇林曰斥遠也杓端有兩星。一內為矛。招搖

孟康曰近北斗者招搖招搖為天矛。晉灼曰梗河三星。天矛鋒招搖一星耳一外為盾。天

蠶。晉灼曰外遠北斗也有句。圜十五星。屬杓。曰賤人

之牢。牢中星實。則囚多。虛則開出。天一槍。梃。矛盾動

搖角。大兵起。李奇曰角芒角

東宮蒼龍。房心。心為明堂。大星天王。前後星子屬。不

欲直。直主失計。房為天府。曰天駟。其陰。右驂。旁有兩

星。曰衿。衿北一星。曰輦。晉灼曰輦古轄字東北曲十二星。曰

旗。旗中四星。曰天市。天市中星眾者實。其中虛則耗。

房南眾星。曰騎官。左角理。右角將。大角者。天王帝坐

廷。其兩旁各有三星。鼎足句之。曰攝提。晉灼曰如鼎足之句曲也

攝提者。直斗杓所指。以建時節。故曰攝提格。亢為宗

廟。主疾。其南北兩大星。曰南門。氐為天根。主疫。尾為

九子。曰君臣。斥絕不和。箕為敖客。后妃之府。曰口舌。

王奕曰朱鳥其以羽蟲之長稱乎而曰鶉首鶉尾何也師曠會經青鳳謂之鶉赤鳳謂之鶉白鳳謂之鶉紫鳳謂之鶉蓋鳳生千丹穴鶉又鳳之赤者故南方取象焉考之月令夏其蟲羽鳳羽之長故南方之宿為朱鳥吳興沈氏以朱鳥為丹鶉豈知四獸皆蟲之長也鶉之微何預

火犯守角則有戰房心王者惡之

南宮朱鳥權衡孟康曰軒轅為權太微為衡也衡太微三光之廷筐

衛十二星藩臣西將東相南四星執法中端門左右

掖門掖門內六星諸侯其內五星五帝坐後聚十五

星曰哀鳥郎位旁一大星將位也月五星順入軌道

司其出所守天子所誅也其逆入若不軌道以所犯

名之中坐成形晉灼曰中坐犯帝坐也成形禍福之形見皆羣下不從謀

也金火尤甚廷藩西有隨星四名曰少微士大夫權

軒轅黃龍體孟康曰形如騰龍前大星女主象旁小星御者

後宮屬月五星守犯者如衡占東井為水事火入之

一星居其左右天子且以火為敗東井西曲星曰戌

北北河南南河兩河天闕間為關梁輿鬼鬼祠事中

白者為質晉灼曰輿鬼五星其中白者為質火守南北河兵起穀不

登故德成衡觀成潢晉灼曰日月五星不軌道也衡太微廷也觀占也潢五潢五帝

也傷成戍晉灼曰賊傷之占先成形於戍禍成井晉灼曰東井主

居其旁天子且以誅成質晉灼曰焚惑入輿鬼火敗故曰禍也天質占曰大臣有誅柳為

鳥喙主木草七星頸為貞宮主急事張嗉為厨主觴

客翼為羽翮主遠客軫為車主風其旁有一小星曰

長沙星星不欲明明與四星等若五星入軫中兵大

起軫南眾星曰天庫庫有五車車星角若益眾及不

具亡處車馬。

西宮咸池曰天五潢。五潢。五帝車舍。火入旱。金兵水。

水中有三柱。柱不具。兵起。奎曰封豨。為溝瀆。婁為聚

眾。胃為天倉。其南眾星曰膾積。如淳曰芻藁積為膾也。昂曰旄

頭。胡星也。為白衣會。畢曰罕車。為邊兵。主弋獵。其大

星旁小星為附耳。附耳搖動。有讒亂臣在側。昂畢間。

為天街。其陰陰國。陽陽國。孟康曰陰西南象坤維河山已北國也。陽河山已南

也。參為白虎。三星直者。是為衡石。孟康曰參三星者白虎宿中東西直

似稱也。下有三星銳白罰。孟康曰在參間上小下大故

也。銳形也。為斬艾事。其外四星左右肩股也。小三星隅置

曰觜觶。為虎首。主葆旅事。如淳曰關中俗謂桑榆蘗生為葆。晉灼曰禾野生曰

旅今之饑民采旅也。宋均曰葆守也。旅軍眾也。言佐參伐斬艾除凶也。其南有四星曰

天廁。天廁下一星曰天矢。矢黃則吉。青白黑凶。其西

有句曲九星。三處羅列。一曰天旗。二曰天苑。三曰九

旂。其東有大星白狼。狼角變色。多盜賊。下有四星曰

弧。直狼比地。有大星曰南極老人。晉灼曰比地近地也。老人見

治安。不見兵起。常以秋分時。候之南郊。

北宮玄武。虛危危為蓋屋。宋均曰危上一星高旁兩星下似蓋屋也。虛為

哭泣之事。宋均曰蓋屋之下中無人但空虛似乎殯宮故主哭泣也。其南有眾星

曰羽林天軍。宋均曰虛危營室陰陽終始之處際軍會之間恒多姦邪故設羽林天軍為軍衛軍

劉敞曰左左星  
星蓋將字

西為壘。或曰戌旁一大星北落。北落若微亡。軍星動。角益稀。及五星犯北落。入軍。軍起火。金水尤甚。火入軍。憂水。水患。木土軍吉。孟康曰木星土星入北落軍則吉也危東六星。兩兩而比。曰司寇。營室為清廟。曰離宮。閣道。漢中四星。曰天駟。旁一星。曰王梁。王梁策馬。車騎滿野。旁有八星。絕漢。曰天橫。天橫旁江星。江星動。以人涉水。杵。曰四星。在危南。匏瓜。有青黑星守之。魚鹽貴。南斗為廟。其北建星。建星者旗也。牽牛為犧牲。其北河鼓。河鼓大星。上將。左左星。右右將。婺女其北。織女。織女。天女孫也。

隆按以下與史

記有異同

虞舜治曰歲星

者東方之精蒼

帝之子主歲故

曰歲星赤而角

其國昌赤黃而

沉其野大穰

茅坤曰符堅伐

晉太史曰歲星

在吳已而秦兵

大敗而晉有功

歲星

晉灼曰太歲在四仲則歲行三宿太歲在四孟四季則歲行二宿二入十六三十四十二而行二十八宿周天曰東方。春木於人。五常仁也。五事貌也。

仁虧貌失。逆春令。傷木氣。罰見歲星。歲星所在。國不可伐。可以伐人。超舍而前。為贏。退舍為縮。贏其國有兵。不復縮。其國有憂。其將死。國傾敗。所去失地。所之得地。一曰當居。不居。國亡。所之國昌。已居之。又東西去之。國凶。不可舉事。用兵安靜。中度吉。出入不當。其次必有天祲見。其舍也。歲星贏而東南。孟康曰五星東行天西轉歲星晨見東方。行疾則不見。不見則變為祲星。石氏見彗星。甘氏不出三月。迺生彗。本類星。末類彗。長二丈。贏東北。石氏見覺星。

次必有天祲見。其舍也。歲星贏而東南。孟康曰五星東行天西轉歲星晨見東方。行疾則不見。不見則變為祲星。石氏見彗星。甘氏不出三月。迺生彗。本類星。末類彗。長二丈。贏東北。石氏見覺星。

迺生彗。本類星。末類彗。長二丈。贏東北。石氏見覺星。

石氏見覺星。

石氏見覺星。

石氏見覺星。

石氏見覺星。

甘氏不出三月。迺生天棊。本類星。末銳。長四尺。縮西

南。子孟康曰。歲星當伏西方。行遲。早沒。變為祿星也。石氏見欖雲如牛。韋昭曰。欖音參。

差之甘氏不出三月。迺生天槍。左右銳。長數丈。縮西

北。石氏見槍雲如馬。甘氏不出三月。迺生天欖。本類

星。末銳。長數丈。石氏槍欖。棊彗異狀。其殃一也。必有

破國亂君。伏死其辜。餘殃不盡。為旱凶饑暴疾。至日

行一尺。出二十餘日。迺入甘氏。其國凶。不可舉事。用

兵出而易所當之國。是受其殃。又曰。祿星不出三年。

其下有軍。及失地。若國君喪。

熒惑。晉灼曰。常以十月入太微。受制而曰南方。夏火

宋祁曰。三年當作五年。

盧舜治曰。榮惑火也。性烈而不常。五星之變。俱足以致殃。而榮惑為甚。宋祁曰。亡因疑作亡國。

禮也。視也。禮虧視失。逆夏令。傷火氣。罰見熒惑。逆行

一舍二舍。為不祥。居之三月。國有殃。五月。受兵。七月。

國半亡地。九月。地大半亡。因與俱出入。國絕祀。熒惑

為亂。為賊。為疾。為喪。為饑。為兵。所居之宿國受殃。殃

還至者。雖大當小。居之久。殃乃至者。當小反大。已去

復還居之。若居之而角者。若動者。繞環之。及乍前乍

後。乍左乍右。殃愈甚。一曰。熒惑出。則有大兵入。則兵

散。周還止息。迺為其死喪寇亂。在其野者。亡地。以戰

不勝。東行疾。則兵聚于東方。西行疾。則兵聚于西方。

其南為丈夫喪。北為女子喪。熒惑。天子理也。故曰。雖



有明天子。必視熒惑所在。

太白

晉灼曰：常以正月甲寅與熒惑晨出東方，二百四十日而入，入四日又出西方，二百四十日而入，入三十五日而復出東方，曰西方秋金義也。言也。

盧舜治曰：太白者，白帝之子，進退以候兵。茅坤曰：較天官太白說漢書特詳。

其南日方北，太白居其北，為羸。侯王不寧，用兵進吉。退凶。日方南，太白居其北，日方北，太白居其南，為縮。侯王有憂，用兵退吉，進凶。當出不出，當入不入，為失舍。不有破軍，必有死王之墓。有亡國。一曰：天下偃兵，壅有兵者，所當之國大凶。當出不出，未當入而入，天下偃兵。兵在外入，未當出而出，當入而不入，天下起

兵。有至破國，未當出而出，未當入而入，天下舉兵。所

當之國亡。當期而出，其國昌；出東為東方，入為北方。

出西為西方，入為南方。所居久，其國利；易其鄉，凶。

日疾過也。一說易鄉而出入也。晉灼曰：上言出而易言疾過是也。入七日，復出將軍

戰死。入十日，復出，相死之。入又復出，人君惡之。已出

三日而復微，入三日，迺復盛出。是為奕而伏。

不進而伏，伏不見也。其下國有軍，其眾敗，將壯。已入三日，又復

微出三日，迺復盛入。其下國有憂，帥師雖眾，敵食其

糧，用其兵，虜其帥，出西方，失其行。夷狄敗，出東方，失

其行。中國敗。一曰：出蚤為月食，晚為天祲，及彗星，將

發于亡道之國。太白出而留桑榆間。病其下國。晉灼曰行

遲而下也。正出舉日平正。上而疾。未盡期日過參天。

病其對國。晉灼曰三分天過其太白經天。天下革。民

更王。孟康曰謂出東入西出西入東也。太白陰星出

東當伏東出西當伏西過午為經天。晉灼曰日

晝見午上為經天。是為亂紀。人民流亡。晝見與日爭

明。彊國弱。小國彊。女主昌。太白兵象也。出而高。用兵

深吉。淺凶。埤淺吉。深凶。行疾。用兵疾吉。遲凶。行遲。用

兵遲吉。疾凶。角。敢戰吉。不敢戰凶。擊角所指吉。逆之

凶。進退左右。用兵進退左右吉。靜凶。圜以靜。用兵靜

吉。趨凶。出則兵出入。則兵入。象太白吉。反之凶。赤角

戰太白者猶軍也。而熒惑憂也。故熒惑從太白。軍憂

離之。軍舒。出太白之陰。有分軍出其陽。有偏將之戰

當其行。太白還之。破軍殺將。辰星殺伐之氣。戰鬪之

象也。與太白俱出。東方皆赤而角。夷狄敗。中國勝。與

太白俱出。西方皆赤而角。中國敗。夷狄勝。五星分天

之中。積于東方。中國大利。積于西方。夷狄用兵者利。

辰星不出。太白為客。辰星出。太白為主人。辰星與太

白不相從。雖有軍不戰。辰星出東方。太白出西方。若

辰星出西方。太白出東方。為格野。雖有兵不戰。辰星

入太白中。五日乃出。及入而上。出破軍殺將。客勝。下

出客亡地。辰星來抵太白不去。將死正。其上出破軍。殺將。客勝。下出客亡地。視其所指。以名破軍。辰星繞環太白。若鬪。大戰。客勝。主人吏死。辰星過太白。間可械劔。小戰。客勝。蘇林曰。械音函。函容也。其間可容一劔也。居太白前。旬三日。軍罷。出太白左。小戰。歷太白右。數萬人戰。主人吏死。出太白右。去三尺。軍急約戰。凡太白所出所直之辰。其國為得位。得位者戰勝。所直之辰順。其色而角者勝。其色害者敗。晉灼曰。鄭色黃而赤。蒼小敗。宋色皆大角勝也。太白比狼。赤比心。黃比參。右肩。青比參。左肩。黑比奎。大星。色勝位。晉灼曰。有色勝得位也。行勝色。晉灼曰。皆大角勝也。

盧舜治曰。辰星蠻夷之星也。亦主刑法之得失。茅坤曰。天官辰星說特詳于漢書。

盧舜治曰。填星乃福德星也。與木無異。

曰。太白行得度勝。有色也。行得盡勝之。晉灼曰。行應天度。雖有色位。輕星經傳得字作德。辰星。晉灼曰。常以二月春分見奎婁。五月夏至見東辰戌。入以丑未二旬而入辰。辰之東方夕候之西方也。曰北方。冬。水。知也。聽也。知虧聽失。逆冬令。傷水氣。罰見辰星。出蚤。為月食。晚為彗星。及天祲。一時不出。其時不和。四時不出。天下大饑。失其時而出。為當寒反溫。當溫反寒。當出不出。是謂擊卒。兵大起。與它星遇而鬪。天下大亂。晉灼曰。祲星彗孛之屬也。出於房心間。地動。一曰五星。填星。晉灼曰。常以甲辰元始。建斗之歲。填行一宿二十八歲而周天也。曰中央。季夏。

茅坤曰與天宮  
填星說亦多異  
而指次特詳

土信也。思心也。仁義禮智以信為主。貌言視聽以心  
為正。故四星皆失。填星廼為之動。填星所居國吉。未  
當居而居之。若已去而復還居之。國得土。不乃得女  
子。當居不居。既已居之。又東西去之。國失土。不乃失  
女。不有土事。若女之憂。居宿久。國福厚。易福薄。當居  
不居。為失填。其下國可伐。得者不可伐。其贏為王。不  
寧。縮有軍不復。一曰既已居之。又東西去之。其國凶。  
不可舉事用兵。失次而上一舍三舍。有王命不成。不  
乃大水。失次而下二舍。有后感。其歲不復。不乃天裂。  
若地動。凡五星歲與填合。則為內亂。與辰合。則為變。

謀而更事。與熒惑合。則為饑。為旱。與太白合。則為白  
衣之會。為水。太白在南。歲在北。名曰牝牡。晉灼曰歲  
陰也。故曰牝牡。年穀大孰。太白在北。歲在南。年或有或亡。熒  
惑與太白合。則為喪。不可舉事用兵。與填合。則為憂。  
主孽卿。與辰合。則為北軍。用兵舉事大敗。填與辰合。  
則將有覆軍下師。與太白合。則為疾。為內兵。辰與太  
白合。則為變謀。為兵憂。凡歲熒惑填太白四星。與辰  
關。皆為戰。兵不在外。皆為內亂。一曰火與水合。為涿。  
晉灼曰火入水故曰涿也。與金合。為鏖。不可舉事用兵。土與金合。  
國亡地。與木合。則國饑。與水合。為雍沮。師古曰沮音  
沮。溼之沮水。

性雍而潛土故曰不可舉事用兵木與金合關國有雍沮一曰雍填也

內亂同舍為合相陵為鬪二星相近者其殃大二星

相遠者殃無傷也從七寸以內必之常昭曰必有禍也凡月

食五星其國皆亡李奇曰謂其分野之國歲以饑災惑以亂填

以殺太白彊國以戰辰以女亂月食大角王者惡之

凡五星所聚宿其國王天下從歲以義從災惑以禮

從填以重帝昭曰謂以威重得從太白以兵從辰以法以法者

以法致天下也三星若合是謂驚立絕行晉灼曰有兵喪故驚

改王故曰絕也其國外內有兵與喪民人乏饑改立王公四

星若合是謂大湯晉灼曰湯猶盪滌也其國兵喪並起君子憂

茅坤曰此可見星之守梓尤本乎德以為禍福

小人流五星若合是謂易行有德受慶改立王者掩

有四方子孫蕃昌亡德受罰離其國家滅其宗廟晉灼

曰宗祖廟也百姓離去被滿四方五星皆大其事亦大皆

小其事亦小也凡五星色皆圓白為喪為旱赤中不

平為兵青為憂為水黑為疾為多死黃吉皆角赤犯

我城黃地之爭白哭泣之聲青有兵憂黑水五星同

色天下匿兵百姓安寧歌舞以行不見災疾五穀蕃

昌

凡五星

歲緩則不行急則過分逆則占災惑緩則不出急則

茅坤曰又總次五星

隆按此論星古

不入。違道則占。填緩則不建。急則過舍。逆則占。太白  
緩則不出。急則不入。逆則占。辰緩則不出。急則不入。  
非時則占。五星不失行。則年穀豐昌。

凡以宿星通下之變者。維星散。句星信。則地動。孟康曰散

在尾北韋昭曰信音申有星守三淵。天下大水。地動。海魚出。紀

星散者。山崩。不即有喪。龜鼈星不居。漢中川有易者。

辰星入五車。大水。災惑入積水。水兵起。入積薪。旱。兵

起。守之亦然。極後有四星。名曰句星。斗柄後有三星。

名曰維星。散者不相從也。孟康曰謂不復行列而聚也三淵益五

車之三柱也。晉灼曰柱音注天紀屬貫索。積薪在北。戊

西北積水。在北。戊東北。

角亢氏。沅州。房心。豫州。尾箕。幽州。斗。江湖。牽牛。婺女。

揚州。虛危。青州。營室。東壁。并州。奎婁。胃。徐州。昴畢。冀

州。觜。參。益州。東井。輿。鬼。雍州。柳。七星。張。三河。翼。軫。

荊州。甲乙。海外。日月不占。晉灼曰海外遠甲乙日時不以占之丙丁。江

淮海。岱。戊巳。中州。河。濟。庚辛。華山。以西。壬癸。常山。以

北。一曰。甲。齊。乙。東夷。丙。楚。丁。南夷。戊。魏。己。韓。庚。秦。辛。

西夷。壬。燕。趙。癸。北夷。子。周。丑。翟。寅。趙。卯。鄭。辰。邯鄲。巳。

衛。午。秦。未。中山。申。齊。酉。魯。戌。吳。越。亥。燕。代。秦之疆。候。

太白。占狼。弧。吳。楚之疆。候。熒惑。占鳥。衡。燕。齊之疆。候。

隆按此論分野  
茅坤曰漢書分  
野說較天官書  
詳甚

辰星占虛危。宋鄭之疆。候歲星占房心。晉之疆。亦候辰星占參罰。及秦并吞三晉燕代。自河山以南者中國。中國於四海內。則在東南為陽。陽則日歲星熒惑填星占於街南。畢主之。其西北則胡貉月氏旃裘引弓之民。為陰。陰則月太白辰星占於街北。昴主之。故中國山川東北流。其維首在隴蜀。尾沒於勃海碣石。是以秦晉好用兵。孟康曰。秦晉西南維之北為陰。與胡貉引弓之民同。故好用兵。復占太白。太白血中國。而胡貉數侵掠。獨占辰星。辰星出入。趨疾常主夷狄。其大經也。凡五星早出為贏。贏為客。晚出為縮。縮為主人。五星

贏縮必有天應見杓。

太歲在寅。曰攝提格。歲星正月晨出東方。石氏曰。名監惠在斗牽牛。失次杓。早水。晚旱。甘氏在建星婺女。太初歷在營室東壁。

在卯曰單闕。二月出。石氏曰。名降入。在婺女虛危。甘氏在虛危。失次杓。有水災。太初在奎婁。

在辰曰執徐。三月出。石氏曰。名青章。在營室東壁。失次杓。早旱。晚水。甘氏同。太初在胃昴。

在巳曰大荒落。四月出。石氏曰。名路踵。在奎婁。甘氏同。太初在參罰。

隆按此敘太歲司月令。廬舜治曰攝提格言萬物承陽而起也。曰單闕言陽氣既起陰氣盡止也。曰執徐言伏蟄者皆散出也。曰大荒落言物歲盛大出落落然也。曰敦詳言物盛壯也。曰協洽言陰欲化物而和洽也。曰沿灘言物皆大修其精氣也。曰作謠言物皆侈落也。曰掩茂言物皆蔽冒也。曰大淵獻言

物終于亥大小  
旅伏以迎陽也  
曰困教言陽氣  
混連萬物萌也  
曰赤奮若言陽  
奮物而起無不  
順也此十二名  
義儒者亦所當  
探索者故述之  
云

在午曰敦牂。五月出。石氏曰。名啓明。在胃昴畢。失次  
杓。早。晚。水。甘氏同。太初在東井輿鬼。

在未曰協洽。六月出。石氏曰。名長烈。在觜觴參。甘氏  
在參罰。太初在注張七星。

在申曰涪灘。七月出。石氏曰。名天晉。在東井輿鬼。甘  
氏在弧。太初在翼軫。

在酉曰作詬。爾雅作詬八月出。石氏曰。名長壬。在柳七

星張。失次杓。有女喪。民疾。甘氏在注張。失次杓。有火。

太初在角亢。

在戌曰掩茂。九月出。石氏曰。名天睢。在翼軫。失次杓。

水。甘氏在七星翼。太初在氏房心。

在亥曰大淵獻。十月出。石氏曰。名天皇。在角亢始。甘

氏在軫角亢。太初在尾箕。

在子曰困敦。十一月出。石氏曰。名天宗。在氏房始。甘

氏同。太初在建星牽牛。

在丑曰赤奮若。十二月出。石氏曰。名天昊。在尾箕。甘

氏在心尾。太初在婺女虛危。甘氏太初歷所以不同

者。以星羸縮在前。各錄後所見也。其四星亦略如此。

古歷五星之推。逆行。至甘氏石氏經以熒惑太

白為有逆行。夫歷者正行也。古人有言曰。天下太平。

隆按此論正行  
逆行



五星循度。亡有逆行。日不食朔。月不食望。夏氏日月傳曰。日月食盡主位也。不盡臣位也。星傳曰。日者德也。月者刑也。故曰。日食修德。月食修刑。然而歷紀推月食與二星之逆亡異。熒惑主內亂。太白主兵。月主刑。自周室衰。亂臣賊子。師旅數起。刑罰失中。雖其亡亂。臣賊子。師旅之變。內臣猶不治。四夷猶不服。兵革猶不寢。刑罰猶不錯。故二星與月為之失度。三變常見。及有亂臣賊子。伏尸流血之兵。大變乃出。甘石氏見其常。然因以為紀。皆非正行也。詩云。彼月而食。則惟其常。此日而食。于何不臧。詩傳曰。月食非常也。比

之日食。猶常也。日食則不臧矣。謂之小變可也。謂之正行。非也。故熒惑必行十六舍。去日遠而顯恣。太白出西方。進在日前。氣盛乃逆行。及月必食於望。亦誅盛也。

隆按此敘五星之散變者

國皇星大而赤。狀類南極。所出其下。起兵兵彊。其衝

不利。

孟康曰。歲星之精散所為也。五星之精散為六十四變。志記不盡也。

昭明星大而白。無角。乍上乍下。所出國起兵多變。

孟康

曰形如三足几几。上有九彗。上向熒惑之精也。

五殘星出正東。東方之星。其狀類辰。去地可六丈。大

而黃。

孟康曰。星表有青氣。如暈有毛。填星之精。

六賊星出正南南方之星去地可六丈大而赤數動

有光孟康曰形如彗芒九角太白之精

司詭星出正西西方之星去地可六丈大而白類太白孟康曰星大而而有尾兩角熒惑之精也

咸漢星出正北北方之星去地可六丈大而赤數動

察之中青孟康曰一名獄漢星青中赤表下有三星從橫亦填星之精也此四星所

出非其方其下有兵衝不利

四填星出四隅去地可四丈地維滅光亦出四隅去地可二丈若月始出所見下有亂者亡有德者昌

燭星狀如太白其出也不行見則滅所燭城邑亂孟康曰

曰星上有三彗上出亦填星之精也如星非星如雲非雲名曰歸邪李奇

曰邪音蛇孟康曰星有兩赤彗上向上有蓋狀氣下連星歸邪出必有歸國者星者金之散氣其本曰人孟康曰星石也金石相生人與星氣相應也星衆

國吉少則凶漢者亦金散氣其本曰水星多多水少則旱孟康曰漢河漢也水生於金多少謂漢中星也其大經也

天鼓有音如雷非雷音在地而下及地其所住者兵發其下

天狗狀如大流星孟康曰星有尾旁有彗下有聲其有如狗形者亦太白之精下止地類狗所墜及望之如火光炎炎中天其下圜

如數頃田處上銳見則有黃色千里破軍殺將

格澤者如炎火之狀黃白起地而上下大上銳其見也禾種而穫不有土功必有大客。

蚩尤之旗類彗而後曲象旗孟康曰熒惑之精也晉灼曰呂氏春秋云其色

黃上見則王者征伐四方。

旬始出於北斗旁狀如雄雞其怒青黑色象伏鼈李奇

曰怒當言帑晉灼曰帑雌也或曰怒則色青宋均曰怒謂芒角刺出

枉矢狀類大流星蛇行而倉黑望如有毛目然。

長庚廣如一匹布著天此星見起兵星礲至地則石

也。如淳曰礲亦墜也天暝而見景星孟康曰暝精明也有赤方氣與青方氣相連赤

方中有兩黃星青方中有一黃星凡三星合為景星也

隆按此救日咎之度及司寒暑之節茅坤曰天官書不能詳此畧景之數以下並漢書所自增

景星者德星也其狀無常常出於有道之國日有中道月有九行中道者黃道一曰光道光道北至東井去北極近南至牽牛去北極遠東至角西至婁去極中夏至至於東井北近極故畧短立八尺之表而畧景長尺五寸八分冬至至於牽牛遠極故畧長立八尺之表而畧景長丈三尺一寸四分春秋分日至婁角去極中而畧中立八尺之表而畧景長七尺三寸六分此日去極遠近之差畧景長短之制也去極遠近難知要以畧景畧景者所以知日之南北也日陽也陽用事則日進而北晝進而長陽勝故為溫暑陰

隆按此敘月行之度及司風兩之節

用事則日退而南。晝退而短。陰勝故為涼寒也。故日進為暑退為寒。若日之南北失節。晷過而長為常寒。退而短為常燠。此寒燠之表也。故曰為寒暑。一曰晷長為潦。短為旱。奢為扶。鄭氏曰扶當為蟠齊魯之間聲如輔輔扶聲近蟠止不行也。蘇林曰景形奢大也。晉灼曰扶附也。扶者邪臣進而正臣疏。君子不足。姦人有餘。月有九行者。黑道二。出黃道北。赤道二。出黃道南。白道二。出黃道西。青道二。出黃道東。立春春分月東從青道。立秋秋分西從白道。立冬冬至北從黑道。立夏夏至南從赤道。然用之一決房中道。青赤出陽道。白黑出陰道。若月失節度而妄行。出陽道

隆按此敘日行則以二至二分為候月行則以晦朔為決

則旱風。出陰道則陰雨。凡君行急則日行疾。君行緩則日行遲。日行不可指而知也。故以二至二分之星為候。日東行。星西轉。冬至昏奎八度中。夏至氏十三度中。春分柳一度中。秋分牽牛三度七分中。此其正行也。日行疾則星西轉疾。事執然也。故過中則疾。君行急之感也。不及中則遲。君行緩之象也。至月行則以晦朔決之。日冬則南。夏則北。冬至於牽牛。夏至於東北之星也。東北地事天位也。孟康曰東北陽日月五星起於牽牛故為天位坤在西南。紐於陽為地。統故為地事。故易曰東北喪朋。及巽在東南

隆按此又總敘  
日月所司以結  
上文  
隆按政治變二  
句一篇綱領與

為風。風陽中之陰。大臣之象也。其星軫也。月去中道移而東北入箕。若東南入軫則多風。西方為雨。雨少陰之位也。月失中道移而西入畢則多雨。故詩云月離于畢。俾滂沱矣。言多雨也。星傳曰。月入畢則將相有以家犯罪者。言陰盛也。書曰。星有好風。星有好雨。月之從星則以風雨。言失中道而東西也。故星傳曰。月南入牽牛南戒。民間疾疫。月北入太微。出坐北。若犯坐則下人謀上。一曰。月為風雨。日為寒溫。冬至日南極。晷長。南不極則溫為害。夏至日北極。晷短。北不極則寒為害。故書曰。日月之行。則有冬有夏也。政治

前政失于此二句同意

隆按此敘日暈之占

變於下。日月運於上矣。日出房北為雨。為陰。為亂。為兵。出房南為旱。為天喪水旱。至衝而應。及五星之變。必然之效也。兩軍相當。日暈等力均厚。長大有勝。薄短小。亡勝。重抱。大破。亡抱為和。背為不和。為分離。相去。直為自立。立兵破軍。若曰殺將抱且戴。有喜。圍在中。中勝。在外。外勝。青外赤中。以和相去。赤外青中。以惡相去。氣暈先至而後去。居軍勝。先至先去。前有利。後有病。後至後去。前病後利。後至先去。前後皆病。居軍不勝。見而去。其後發疾。雖勝亡功。見半日以上。功太白。重屈短。上下銳。

李奇曰。屈或為尾。帛昭曰。短而直者。或曰短屈之虹。有者

隆按此敘雲氣之占

下大流血日暈制勝。近期三十日，遠期六十日。其食食所不利，復生。生所利，不然。食盡為主位。以其直及日所躔加日時，用名其國。凡望雲氣，仰而望之，三四百里，平望。在桑榆上，千餘里，二千里，登高而望之。下屬地者，居三千里，雲氣有戰，居上者勝。自華以南，氣下黑，上赤，嵩高三河之郊，氣正赤。常山以北，氣下黑，上青，勃碣海岱之間，氣皆黑。江淮之間，氣皆白。徒氣白，土功氣黃。車氣乍高乍下，往往而聚。騎氣卑而布，卒氣搏。如淳曰：搏，專也。音徒。端反。前卑而後高者，疾。前方而後高者，銳。後銳而卑者，卻。其氣平者，其行徐。前高後卑者，

不止而反。氣相遇者，卑勝高。銳勝方。氣來卑而循車道者，不過三四日去之。五六里見，氣來高七八尺者，不過五六日去之。十餘二十里見，氣來高丈餘二丈者，不過三四十日去之。五六十里見，捎雲精白者，其將悍。其士怯。其大根而前絕遠者，戰精白。其芒低者，戰勝。其前赤而印者，戰不勝。陳雲如立垣，杼雲類杼。杳雲搏而端銳，杓雲如繩者，居前竟天。其半半天，蜺雲者，類鬪旗。故銳，鉤雲句曲。諸此雲見，以五色占而澤搏密，其見動人，迺有占。兵必起，占鬪其直。正朔所候，決於日旁。日旁雲氣，人主象，皆如其形以占。故北

隆按此終敘天  
壤之變

夷之氣如羣畜穹閭。南夷之氣類舟船幡旗。大水處  
敗軍場。破國之虛。下有積泉金寶。上皆有氣。不可不  
察。海旁蜃氣象樓臺。廣野氣成宮闕。然雲氣各象其  
山川。人民所聚積。故候息耗者入國邑。視封疆田疇  
之整治。城郭室屋門戶之潤澤。次至車服畜產精華  
實息者吉。虛耗者凶。若煙非煙。若雲非雲。郁郁紛紛  
蕭索輪囷。是謂慶雲。慶雲見。喜氣也。若霧非霧。衣冠  
不濡。見則其城被甲而趨。夫雷電赧垂。辟歷夜明者。  
陽氣之動者也。春夏則發。秋冬則藏。故候書者亡不  
司。天開縣物。孟康曰。謂天裂而見。物象也。天開示縣象。地動坼絕。山崩及

隆按此敘候歲  
之法

阨川塞谿坎。蘇林曰。坎音伏。伏流也。如淳曰。坎填塞不通也。水澹地長。澤竭  
見象。城郭門閭潤息。稟枯宮廟廊第。人民所次。冬俗  
車服。觀民飲食。五穀草木。觀其所屬。倉府廩庫。四通  
之路。六畜禽獸。所產去就。魚鼈鳥鼠。觀其所處。鬼哭  
若譁。與人逢。選訛言誠然。凡候歲美惡。謹候歲始。歲  
始。或冬至日。產氣始萌。臘明日。人眾卒歲。壹會飲食。  
發陽氣。故曰初歲正月旦。王者歲首。立春四時之始  
也。四始者。候之日。而漢魏鮮集臘。明正月旦。決八風  
孟康曰。魏鮮人。姓名作占候者。風從南大旱。西南小旱。西方有兵。西  
北戎叔為。孟康曰。戎叔胡。豆也。為成也。小雨趣兵。北方為中歲。東

孟康曰。魏鮮人。姓名作占候者。孟康曰。戎叔胡。豆也。為成也。

北為上歲東方大水東南民有疾疫歲惡故八風各  
與其衝對課多者為勝多勝少久勝亟疾勝徐旦至  
食為麥食至日跌為稷跌至晡為黍晡至下晡為叔  
下晡至日入為麻欲終日有雲有風有日當其時深  
而多實亡雲有風日當其時淺而少實有雲風亡日  
當其時深而少實有日亡雲不風當其時者稼有敗  
如食頃小敗孰五斗米頃大敗風復起有雲其稼復  
起各以其時用雲色占種所宜雨雪寒歲惡是日光  
明聽都邑人民之聲聲宮則歲美吉商有兵徵旱羽  
水角歲惡或從正月旦比數雨率日食一升至七升

而極孟康曰正月一日雨而民有一升之食二日雨而民有二升之食如此至七日已來驗也過  
之不占數至十二日直其月占水旱孟康曰一日為雨正月水也為

其環域千里內占即為天下候竟正月孟康曰月三十日周天歷

二十八宿然月所離列宿日風雲占其國然必察太

歲所在金穰水毀木饑火旱此其大經也正月上甲

風從東方來宜蠶從西方來若旦有黃雲惡冬至短

極縣土炭孟康曰先冬至三日縣土炭於衡兩端輕重適均冬至而陽氣至則炭重夏至陰氣

至則土重晉灼曰蔡邕律歷記候鍾律權土炭冬至陽氣應黃鍾通土炭輕而衡仰夏至陰氣應蕤賓通

土炭重而衡低進退先後五日之中炭動麋鹿解角蘭根出泉水踊略

以知日至要決晷景夫天運三十歲一小變百年中

隆按此敘天運以總結上文



隆按此下總敘  
歷代天變之應

變五百年大變三大變一紀三紀而大備此其大數也春秋二百四十二年間日食三十六彗星三見夜常星不見夜中星隕如雨者各一當是時禍亂輒應周室微弱上下交怨殺君三十六亡國五十二諸侯奔走不得保其社稷者不可勝數自是之後眾暴寡大并小秦楚吳粵夷狄也為彊伯田氏篡齊三家分晉並為戰國爭於攻取兵革遞起城邑數屠因以饑饉疾疫愁苦臣主共憂患其察機祥候星氣尤急如淳曰呂氏春秋荆人鬼越人機今之巫祝禱祠淫祀之比也近世十二諸侯七國相王言從橫者繼踵而占天文者因時務論書傳故其

茅坤曰以下天  
官書別多六國  
之彊一段

占驗鱗雜米鹽亡可錄者周卒為秦所滅始皇之時十五年間彗星四見久者八十日長或竟天後秦遂以兵內兼六國外攘四夷死人如亂麻又熒惑守心及天市芒角色赤如雞血始皇既死適庶相殺二世即位殘骨肉戮將相太白再經天因以張楚並興兵相踰籍蘇林曰音臺秦遂以亡項羽救鉅鹿枉矢西流枉矢所觸天下之所伐射滅亡象也物莫直於矢今蛇行不能直而枉者執矢者亦不正以象項羽執政亂也羽遂合從阮秦人屠咸陽凡枉矢之流以亂伐亂也

陰按此以後並班氏所續編年而後  
劉敞曰按歷太白辰星去日率不能一兩次耳今十月而從歲星于東井非其理也然則五星以秦之十月聚東井耳秦之十月今之七月日當在鶉尾故太白辰星得從歲星也  
茅坤曰以下較詳天官書頗指次漢之星占之變

漢元年十月五星聚于東井以歷推之從歲星也李奇曰歲星得其正度其四星隨比常正行故曰從也孟康曰歲星先至先至為主也此高皇帝受命之符也故客謂張耳曰東井秦地漢王入秦五星從歲星聚當以義取天下秦王子嬰降於枳道漢王以屬吏寶器婦女云所取閉宮封門還軍次于霸上以候諸侯與秦民約法三章民亡不歸心者可謂能行義矣天之所予也五年遂定天下即帝位此明歲星之崇義東井為秦之地明効也  
三年秋太白出西方有光幾中晉灼曰幾中近踰身也乍北乍南過期迺入辰星出四孟是時項羽為楚王而漢已

盧舜治曰暈七重是以圍七日乃解

定三秦與相距滎陽太白出西方有光幾中是秦地戰將勝而漢國將興也辰星出四孟易王之表也後二年漢滅楚

七年月暈圍參畢七重占曰畢昴間天街也街北胡也街南中國也昴為匈奴參為趙畢為邊兵是歲高皇帝自將兵擊匈奴至平城為冒頓單于所圍七日廼解

十二年春熒惑守心李奇曰心為天王也四月宮車晏駕應劭曰天子當晨起早作而方崩殯故稱晏駕云常昭曰凡初崩為晏駕者臣子之心猶謂宮車當駕而出耳

孝惠二年夫開東北廣十餘丈長二十餘丈地動陰

有餘。天裂陽不足，皆下盛彊將害上之變也。其後有呂氏之亂。

孝文後二年正月壬寅，天欖夕出西南。孟康曰：歲星之精。占

曰：為兵喪亂。其六年十一月，匈奴入上郡雲中。漢起

三軍以衛京師。其四月乙巳，水木火三合於東井。占

曰：外內有兵與喪，改立王公。東井秦也。八月，天狗下

梁楚，是歲誅反者周殷。長安市。其七年六月，文帝崩。

其十一月戊戌，土水合於危。占曰：為雍沮所當之國，

不可舉事用兵，必受其殃。一曰：將覆軍，危齊也。其七

月火東行，行畢陽環畢東北出而西，逆行至昴，即南

茅坤曰：高祖入關五星聚東井而水木火三合則以為兵喪何也。

廼東行。占曰：為喪死寇亂畢昴趙也。

孝景元年正月癸酉，金水合於婺女。占曰：為變謀，為

兵憂。婺女粵也。又為齊。其七月乙丑，金木水三合於

張。占曰：外內有兵與喪，改立王公。張周地。今之河南

也。又為楚。其二年七月丙子，火與水晨出東方。因守

斗。占曰：其國絕祀。至其十二月，水火合於斗。占曰：為

涿，不可舉事用兵，必受其殃。一曰：為北軍用兵，舉事

大敗。斗吳也。又為粵。是歲彗星出西南。其三月立六

皇子為王。王淮陽汝南河間臨江長沙廣川。其三年

吳楚膠西膠東淄川濟南趙七國反。吳楚兵先至，攻

盧舜治曰填星  
德星也故魯得  
國

梁膠西膠東淄川三國攻圍齊。漢遣大將軍周亞夫等戍止河南以候吳楚之敝。遂敗之。吳王亡走粵。粵攻而殺之。平陽侯敗三國之師于齊。咸伏其辜。齊王自殺。漢兵以水攻趙城。城壞。王自殺。六月立皇子二人。楚元王子一人為王。王膠西中山楚徙濟北為淄川王。淮陽為魯王。汝南為江都王。七月兵罷。天狗下。占為破軍殺將。狗又守禦類也。天狗所降以戒守禦。吳楚攻梁。梁堅城守。遂伏尸流血其下。

三年填星在婁。幾入還居奎。奎魯也。占曰其國得地。為得填。是歲魯為國。

四年七月癸未火入東井。行陰。又以九月己未入輿鬼。戊寅出。占曰為誅罰。又為火災。後二年有粟氏事。其後未央東闕災。

中元年填星當在觜。觜參去居東井。占曰亡地不迺。有女憂。其三年正月丁亥。金木合於觜。觜為白衣之會。三月丁酉。彗星夜見西北。色白。長丈。在觜。觜旦去。益小。十五日不見。占曰必有破國亂君。伏死其辜。觜

觜梁也。其五月甲午。金木俱在東井。戊戌。金去木留。

守之二十日。占曰傷成於戊。木為諸侯。誅將行於諸侯也。其六月壬戌。蓬星見西南。在房南。去房可二丈。

許應元曰傷成  
于戊之戊即鉞  
字下斧戊用同

大如二斗器。色白。癸亥在心東北。可長丈所。甲子在尾北。可六丈。丁卯在箕北。近漢稍小。且去時大如桃。壬申去。凡十日。占曰。逢星出。必有亂臣。房心間。天子宮也。是時梁王欲為漢嗣。使人殺漢爭臣。袁盎。漢按誅梁大臣。斧戍用。梁王恐懼。布車入關。伏斧戍。謝罪。然後得免。

中三年十一月庚午夕。金火合於虛。相去一寸。占曰。為鑠為喪。虛齊也。

四年四月丙申。金木合於東井。占曰。為白衣之會。井秦也。其五年四月乙巳。水火合於參。占曰。國不吉。參

梁也。其六年四月。梁孝王死。五月。城陽王濟陰王死。六月。成陽公主死。出入三月。天子四衣白。臨邸第。後元年五月壬午。火金合於輿鬼之東北。不至柳。出輿鬼北。可五寸。占曰。為鑠。有喪輿鬼秦也。丙戌。地大動。鈴鈴然。民大疫死。棺貴。至秋止。

孝武建元三年三月。有星孛于注張。歷太微。干紫宮。至于天漢。春秋星孛于北斗。齊魯晉之君皆將死亂。今星孛歷五宿。其後濟東膠西江都王皆坐法削黜。自殺。淮陽衡山謀反而誅。

三年四月。有星孛于天紀。至織女。占曰。織女有女變。

天紀爲地震。至四年十月而地動。其後陳皇后廢六年。熒惑守輿鬼。占曰爲火變。有喪。是歲高園有火災。竇太后崩。元光元年六月。客星見于房。占曰爲兵起。其二年十一月。單于將十萬騎入武州。漢遣兵三十餘萬以待之。元光中。天星盡搖。上以問候星者。對曰。星搖者民勞也。後伐四夷。百姓勞于兵革。

元鼎五年。太白入于天苑。占曰將以馬起兵也。一曰。馬將以軍而死。耗。其後以天馬故。誅太宛。馬大死於軍。

元鼎中。熒惑守南斗。占曰熒惑所守。爲亂賊喪兵。守之。久。其國絕祀。南斗。越分也。其後越相呂嘉殺其王。及太后。漢兵誅之。滅其國。元封中。星孛于河戍。占曰。南戍爲越門。北戍爲胡門。其後漢兵擊拔朝鮮。以爲樂浪。玄菟郡。朝鮮在海中。越之象也。居北方。胡之域也。

太初中。星孛于招搖。星傳曰。客星守招搖。蠻夷有亂。民死君。其後漢兵擊大宛。斬其王。招搖遠夷之分也。孝昭始元中。漢宦者梁成。恢及燕王侯星者。吳莫如。見蓬星出西方。天市東門。行過河鼓。入營室中。恢曰。蓬星出六十日。不出三年。下有亂。臣戮死於市。後太

白出西方。下行一舍。復上行二舍而下去。太白主兵。上復下。將有戮死者。後太白出東方。入咸池東。下入東井。人臣不忠。有謀上者。後太白入太微西藩第一星。北出東藩第一星。北東下去。太微者天廷也。太白行其中。宮門當閉。大將被甲兵。邪臣伏誅。熒惑在婁。逆行至奎。法曰當有兵。後太白入昴。莫如曰蓬星出西方。當有大臣戮死者。太白星入東井。太微廷。出東門。漢有死將。後熒惑出東方。守太白。兵當起。主人不勝。後流星下燕。萬載宮極東去。李奇曰極屋梁也。三棟也。三輔間名棟為極。尋極東去也。延篤謂之堂前闌楯也。法曰國恐有誅。其後

左將軍桀驃騎將軍安與長公主燕刺王謀作亂。咸伏其辜。兵誅烏桓。

盧舜治曰燭星名。歸邪所燭城邑亂。

元鳳四年九月。客星在紫宮中斗樞極間。占曰為兵。其五年六月。發三輔郡國少年詣北軍。五年四月。燭星見奎婁間。占曰有土功。胡人死。邊城和。其六年正月。築遼東玄菟城。二月。度遼將軍范明友擊烏桓。還元平元年正月。庚子日出時。有黑雲狀如炎風亂。鬢音舜轉出西北。東南行。轉而西。有頃亡。占曰有雲如衆風。是謂風師。法有大兵。其後兵起烏孫。五將征匈奴。二月甲申。晨有大星如月。有衆星隨而西行。乙酉。祥

雲如狗赤色長尾三枚夾漢西行大星如月大臣之象衆星隨之衆皆隨從也天文以東行爲順西行爲逆此大臣欲行權以安社稷占曰太白散爲天狗爲卒起卒起見禍無時臣運柄祥雲爲亂君到其四月昌邑王賀行淫辟立二十七日大將軍霍光白皇太后廢賀。

三月丙戌流星出翼軫東北干太微入紫宮始出小旦入大有光入有頃聲如雷三鳴止占曰流星入紫宮天下大凶其四月癸未宮車晏駕。

孝宣本始元年四月壬戌甲夜辰星與參出西方其

二年七月辛亥夕辰星與翼出皆爲蚤占曰大臣誅

其後熒惑守房之鉤鈐鉤鈐天子之御也。晉灼曰上言房爲天

駟其陰右驂旁有二星曰鈐故曰天子御也占曰不太僕則奉車不黜即

死也房心天子宮也房爲將相心爲子屬也其地宋

今楚彭城也。

四年七月甲辰辰星在翼月犯之占曰兵起上卿死

將相也是日熒惑入輿鬼天質占曰大臣有誅者名

曰天賊在大人之側。

地節元年正月戊午乙夜月食熒惑。孟康曰凡星入月見月中爲星

食月月奄星星滅爲月食星熒惑在角亢占曰憂在宮中非賊而



盜也有內亂讒臣在旁其辛酉熒惑入氏中氏天子之宮熒惑入之有賊臣其六月戊戌申夜客星又居左右角間東南指長可二尺色白占曰有姦人在宮廷間其丙寅又有客星見貫索東北南行至七月癸酉夜入天市芒炎東南指其色白占曰有戮卿一曰有戮王期皆一年遠二年是時楚王延壽謀逆自殺四年故大將軍霍光夫人顯將軍霍禹范明友奉車霍山及諸昆弟賓婚為侍中諸曹九卿郡守皆謀反咸伏其辜。

黃龍元年三月客星居王梁東北可九尺長丈餘西指出閣道間至紫宮其十二月宮車晏駕。

元帝初元元年四月客星大如瓜色青白在南斗第二星東可四尺占曰為水饑其五月勃海水大溢六月關東大饑民多餓死琅邪郡人相食。

二年五月客星見昴分居卷舌東可五尺青白色炎長三寸占曰天下有妄言者其十二月鉅鹿都尉謝君男詐為神人論死父免官。孟康曰姓謝名君男者兒也不記名直言男耳

五年四月彗星出西北赤黃色長八尺所後數日長丈餘東北指在參分後二歲餘西羌反。

孝成建始元年九月戊子有流星出文昌色白光燭

地長可四丈。大一圍。動搖如龍虵形。有頃長可五六丈。大四圍所。詘折委曲。貫紫宮西。在斗西北子亥間。後詘如環。北方不合。留一刻所。占曰。文昌為上將。貴相。是時帝舅王鳳為大將軍。其後宣帝舅子王商為丞相。皆貴重任政。鳳妬商。譖而罷之。商自殺。親屬皆廢黜。

四年七月。熒惑踰歲星。居其東北半寸所。如連李。時歲星在關星西四尺所。熒惑初從畢口大星東。東北往數日至。往疾去遲。占曰。熒惑與歲星鬪。有病君。饑歲至。河平元年三月。旱傷麥。民食榆皮。二年十二月。

劉敞曰。君男死在初元二年太

后避時乃河平二年云。病何也。

壬申。太皇太后避時。昆明東觀。

如淳曰。食貨志。武帝修昆明池。列觀環之。

或曰。即病謝君。男故避其時。

四年十一月乙卯。月食。填星不見。時在輿鬼西北八九尺所。占曰。月食。填星流民千里。河平元年三月。流民入函谷關。

河平二年十月下旬。填星在東井軒轅南端。大星尺餘。歲星在其西北尺所。熒惑在其西北二尺所。皆從西方來。填星貫輿鬼。先到。歲星次。熒惑亦貫輿鬼。十一月。上旬。歲星熒惑西去。填星皆西北逆行。占曰。三星若合。是謂驚位。是謂絕行。外內有兵與喪。改立王。

公。其十一月丁巳夜郎王歆大逆不道。牂柯太守立捕殺歆。

三年九月甲戌東郡莊平男子侯毋辟兄弟五人羣黨為盜攻燔官寺縛縣長吏盜取印綬自稱將軍。三月辛卯左將軍千秋卒右將軍史丹為左將軍。四年四月戊申梁王賀薨。

陽朔元年七月壬子月犯心星占曰其國有憂若有大喪房心為宋今楚地十一月辛未楚王友薨。

四年閏月庚午飛星大如缶出西南入斗下占曰漢使匈奴明年鴻嘉元年正月匈奴單于雕陶莫臯死。

五月甲午遣中郎將楊興使乎。

劉泰世曰南方有之下當有氣字或色字脫也

永始二年二月癸未夜東方有赤色大三四圍長二三丈索索如樹南方有大四五圍下行十餘丈皆不至地滅占曰東方客之變氣狀如樹木以此知四方欲動者明年十二月己卯尉氏男子樊並等謀反賊殺陳留太守嚴普及吏民出囚徒取庫兵劫略令丞自稱將軍皆誅死庚子山陽鐵官亡徒蘇令等殺傷吏民篡出囚徒取庫兵聚黨數百人為大賊踰年經歷郡國四十餘一日有兩氣同時起並見而並滅令等同月俱發也。

元延元年四月丁酉日鋪時天暝晏殷殷如雷聲有流星頭大如缶長十餘丈皎然赤白色從日下東南去四面或大如盂或如雞子燿燿如雨下至昏止郡國皆言星隕春秋星隕如雨爲王者失執諸侯起伯之異也其後王莽遂顛國柄王氏之興萌於成帝時是以有星隕之變後莽遂篡國。

綏和元年正月辛未有流星從東南入北斗長數十丈二刻所息占曰大臣有繫者其年十一月庚子定陵侯淳于長坐執左道下獄死。

二年春熒惑守心二月乙丑丞相翟方進欲塞災異自殺三月丙戌宮車晏駕。

哀帝建平元年正月丁未日出時有著天白氣廣如一匹布長十餘丈西南行謹如雷西南行一刻而止名曰天狗傳曰言之不從則有大禍詩妖到其四年正月二月三月民相驚動謹謹奔走傳行詔籌祠西王母又曰從日人當來。

建平元年十二月白氣出西南從地上至天出參下貫天厠廣如一匹布長十餘丈十餘日去占曰天子有陰病其三年十一月壬子太皇太后詔曰皇帝寬仁孝順奉承聖緒靡有解怠而久病未瘳夙夜惟思

殆繼體之君。不宜改作。春秋大復古。其復甘泉泰畤。汾陰后土如故。

二年二月彗星出牽牛七十餘日。傳曰彗所以除舊布新也。牽牛日月五星所從起。歷數之元。三正之始。彗而出之。改更之象也。其出久者為其事大也。其六月甲子夏賀良等建言當改元易號。增漏刻。詔書改建平二年為太初元年。號曰陳聖。劉太平皇帝。刻漏以百二十為度。八月丁巳悉復蠲除之。賀良及黨與皆伏誅流放。其後卒有王莽篡國之禍。

元壽元年十一月歲星入太微。逆行于右執法。占曰

大臣有憂。執法者誅。若有罪。二年十月戊寅高安侯董賢免大司馬位。歸第自殺。

漢書評林卷之二十六

終



